

УДК 821.51

Панова Зенуре Сейрановна, старший преподаватель кафедры крымскотатарской филологии, Таврическая академия, ФГАОУ ВО “Крымский федеральный университет имени В.И. Вернадского”, г. Симферополь, Республика Крым, Российская Федерация, e-mail: zenure.mussa@mail.ru

**КЪЫРЫМТАТАР ХАЛКЪ АГЪЫЗ ЯРАТЫДЖЫЛЫГЪЫНДА
КЪАДЫН-КЪЫЗЛАРНЫНЪ ОБРАЗЛАРЫ
(ЖЕНСКИЕ ОБРАЗЫ В КРЫМСКОТАТАРСКОМ УСТНОМ
НАРОДНОМ ТВОРЧЕСТВЕ)**

Аннотация. В статье проанализированы произведения крымскотатарского устного народного творчества. Женский образ, нашедший отражение в произведениях фольклора, находится в постоянном развитии, претерпевает значительные изменения. Возвышенный образ женщины передаётся из поколения к поколению, заполняется новым содержанием в духе современности.

Ключевые слова: устное народное творчество, женский образ, эпоха, современность.

Panova Zenure Seyranovna, Senior lecturer of the department of the Crimean Tatar Philology Crimean Federal University Behalf of V.I. Vernadsky, Simferopol, Crimea Republic, Russian Federation, e-mail: zenure.mussa@mail.ru

**WOMEN'S IMAGES IN CRIMEAN TATAR OUTDOOR NATIONAL
CREATIVITY**

Annotation. The article analyzes the works of the Crimean Tatar folklore. The female image, which is reflected in the works of folklore, is in constant development, undergoing significant changes. The sublime image of a woman is transmitted from generation to generation, filled with new content in the spirit of modernity.

Key words: oral folk art, female image, epoch, modernity.

КИРИШ. Къырымтатар халкъ агъыз яратыджылыгъы сыйнырсыз джеръяндыр. Афусуки, бизим кунюмизгедже толу дереджеде ограйнильмеди.

Ишимиз узеринде Абдураимова З. [1], Бекиров Дж. [2, 3], Усеинов Т.Б. [4, 5], Фазылов Р. [6] киби эдебиятшынасларның ишлериинен къулландыкъ.

Теклиф этильген макъаледе къырымтатар халкъ агъыз яратыджылыгъында къадын-къызылар мевзусы узеринде иш алып барылды.

ЭСАС КЪЫСЫМ. Къадын образы фольклорның чешит назм шекиллеринде: йырлар, тапмаджалар, дестанлар, масаллар, аталар сезю ве айтымлар жанрларында акс олунды. Эгер тапмаджалар жанрны мисаль оларакъ алсакъ – бу шекильниң пейда олувында къадынлар буюк бир иссе къоштылар: эр бир ана баласының акъыл-идрагининъ инкишафы ичюн тапмаджалар уйдурғъан ве несильден-несильге кечмесине ярдым эткен.

Халкъ агъыз яратыджылыгъында къадын образыны зиядесинен аталар сезлеринде ве айтымларда тата билемиз: “Яхшы къадын эвнынъ гулю”, “Яхшы къадын дюнья байлыгъы”, “Къадын – омюрлик елдашынъ”, “Ана – юртнынъ тереги”, “Бала къадрини ана билир”, “Ананынъ джаны баласында”, “Ананынъ къолу йымшакъ олур”.

Юксек усталыкъ севиесинде къадын-къызылар образлары эфсанелерде косытерильгендер. Къадимий образлардан бири бу – Арзы кызы образыдыр (“Арзы кызы”). “Гульге бенъзер янакълары, индже, къара къашлары, йылдыз киби парылдагъан къара козълери, кираз киби къырмызы дудакълары ве сия, гурь сачлары”. Эфсанеде гузель бир образ яратылғъан. Арзы тек темизлик ве севги темсили дегиль де, о къырымтатар сербестлик, азатлыкъ север къадынның темсилидир. Эфсанеде Арзы ватанпервер, садыкълыкъ чизгилеринен ашланғъан. Онынъ омюри акъибетли ве баҳтсыз ола: тойдан эвель Арзыны айдут Али Баба къырсызлай ве Истамбулгъа алып кете. Мында Арзы Султанның рефикъасы ола. Бир йылдан соң о, бала догъа. Амма

гъурбетликте яшап о: озь Ватанына, ана-бабасына асрестлик чеке. Ве нетиджеде баласынен берабер Къара деньизге озюни ата. Бойлеликнен, Арзы ичюн сербестлик султаннынъ алтынларындан, байлыгъындан устюндир.

Къадын-къызлар образлары кенъ джеэттен даа бир-къач эфсанелерде расткеле: “Алтын бешик” (Зера образы), “Къыркъ ордан Джанике” (Джанике образы). Ана образы исе: “Акъмесджит насыл пейда олды” эфсанесинде косытерильди (Нафизе образы).

Бизим кунюмизге етип кельген назик, дюльбер, джесюр, ишкир, къараман къадын-къызлар акъкъында малюматны биз йыр жанрында тапа билемиз: “Къара къашлы Айшем”, “Алием”, “Сенинъ адынъ Алиме”, “Зейнебим”, “Къадрием”, “Мавилем”, “Фатимем”, “Хатиджем”, “Эльмазым”, “Гузель Эмине” ве башкъалары.

Бойле йырларда къадын-къызлар образы эпитетлер ярдымынен яратыла: дудакълары бал киби; янакълары гуль киби; козылери эльмазгъа бенъзер; къара къаш; бою индже фидан киби; къара козь; герданы шекерли къурма; тишлери инджи киби; беяз тенъли; дудакълары бал-шербет; тени къаймакъ киби; ляле джильваш; ал янакълы; ёсма козылю; бети онынъ гуль тюсте; бою онынъ фидан киби; кирпиклери сюрьмели; комюр козылю; янагъында бени вар; дудакълары бал киби; нура бенъзер; сеси онынъ бульбуль киби; памукъ киби эллери; герданы гуль къокъулы; дудагъындан бал акъа; пембе янакълы; тени памукътан беяз; сачлары далгъая бенъзер; козылери атеш киби юрек якъар; ачылмыш гуле бенъзер; янъы дөгъгъян ай киби; янакълары шефтали; тишлери беяз мермер киби; гульбагъчеде бульбуль киби; танъ йылдызы; сельби киби юксек ве ил.

Къырымтатар масалларында къадын-къызлар эки типик образларында яратыла – мусбет ве менфий образлары. Мусбет образлар, эксерий алларда фукъаренинъ къызы я да къадыны олалар, менфий исе – байнынъ я да ханнынъ къызы, къадыныдыр.

Мусбет къадын образлары бойле чизгилеринен ашлангъанлар: акъыл-идракъ, мераметлик, иш северлик, иш чеберлик, самимилик. Менфий къадын образында пахыллыкъ, тентеклик, тенбеллик чизгилер корюнмектелер.

Къадын образының ачыкъ, парлакъ ифаде эткен жанры дестандыр. Дестанларның меркезинде адалет ичюн курешкен къараман ве онъа къол туткъан, садыкълыкъ бильдирген къадындыр. Къараманий дестанлардан мисаль оларакъ “Чорабатыр” дестанында Нарикнинъ къадыны Менъли Сулу. Оның образы дестанда этрафлыджы ачылып бериле. Менъли Сулу фукъаре къорантасындан чыкъкъан, акъыллы “...дюльберликтө дюньяда акъраны ёкъ” бир кызы оларакъ тасвирлене.

Ханнынъ: “Алла, Алла, Чорам, таптынъ-таптынъда, туварджының къызыны таптынъмы, гузель бир кызы екъмы эди?” – дегенине Нарик шойле джевап берес: “Хан эфенди, гузель – гузель дегильдир, джан севгени гузельдир”. Нарикнинъ бойле джевабы еринде, чонки адий, лякин табиатлы, шайлы бу кызы акъикъатта докъуз султанның башына эткен батыргъа ляйыкъ эди. Шунынъ ичюн де Нарик бу къызны бир корыгенде ашыкъ ола ве онъа эвлене.

Дестаннынъ вакъиалары ёнелишинде анълашыла ки, бу туварджының къызы окъумагъа да биле экен. Хан огълунынъ Нарикке берген кягъытыны: “Къана, берчи, шу кягъытны окъуп бакъайым”, – дей Менъли Сулу, кягъытны окъуп бакъа, шойле де акъайыны олюмден къуртара. Хан огълуны ятыштырмакъ ичюн онынъ айткъан сёзлери, бу къадынның акъыл-ферасетини, юксек ирадели, намуслы олгъаныны тасдыкълай.

Чорабатырның къардашы Ханикей бир къач эпизодда бериле. Бу образ дюльбер бир кызы оларакъ косытериле. Агъасынен сагълыкълашкъан вакъытта берильген характеристикасы оны арекетчен образ оларакъ тасвирлей.

Дестанда менфий образлардан оларакъ Сары-ханым – сёзүнде турмагъан, енгиль табиатлы бир къадын оларакъ бериле. О, душманлар

тарафына кечип, ватанына къаршы тура. Халкъ бойле шахсларны севмей, оларгъа лянет айта.

Эгер къараманий дестанларда халкъ укюмран сыныфларгъа олгъан мунасебетлерини батырларның арекетлери саесинде тасвирлесе, ичтимай-турмуш дестанларында баш къараманларның, яш йигитнинъ ве къызының эбедий севгиси ве инсанның энъ дюльбер назик дуйгъусы ичюн куреши тасвирлене. Бу дестанларда къадын-къызларның образлары меркезий ерини алмакъталар. Мисаль оларакъ “Таир ве Зоре” дестаныдыр.

Дестанда падишаның къизы Зоренинъ образы баш къараман ола биле. Зоре пак юрекли, озы сёзюнинъ саibi, севгисине ве севгилисine садыкъ олгъан, шайлы дюльбер бир къыз оларакъ тасвирлене.

Таирге юрек сырны ачаракъ, о бутюн омюри бою озы сёзюнде къатты тура, ич кимсенинъ, атта бабасының сёзюне биле къанмай. Таирни Мердим шеэрине меджбурий ёлланылгъаны Зоренинъ юргини сызлата, кедерлендире, айрылыкъ оны гъам-къасевет ичинде къалдыра.

Омюр бою тек Таирни севгенини ве онъа садыкъ къалгъаныны Зоре текрап билдире. Таир ольген соңъ, о бу дюньяда артыкъ асretлик чекип джаны севмеген адамгъа барып яшамагъа истемей. Таирни севмек Зоре ичюн бу омюр этмек, яшамакъ, баҳтлы олмакъ эди. Шунынъ ичюп де “шу ерде озюни пычакънен урып ольдюре”.

Къырымтатар дестанларда къадын эр вакъыт шереф, ахлякъ, къараманлыкъ ве федакярлыкъ темсили оларакъ беллидир. Къадынның дестанларындаки ери, джемиет аятындаки киби, юксек ве мухтеремдир. Чюнки къадын къоранта башы олмаса да, лякин эр вакъыт озы эвининъ диреги, акъайының садыкъ аркъадашы ве энъ эсасы балаларның анасыдыр.

Бойлеликнен, къырымтатар фольклорында къадын биринджеиден ве энъ эсасы темизлик, виджданлыкъ, ахлякъ темсилидир. О, эр вакъыт

мукеммеллеше ве идеалгъа ынтыла. Фольклор жанрларында къадын образынынъ эмиети пек буюк.

Къулланылгъан эдебият:

1. Абдураимова З. Умумтюрк дестанларында къадынлыкъ темсили // Йылдыз. – 2002. – №3. – С.145-150.
2. Бекиров Дж. Къырымтатар халкъ агъыз яратыджылыгъы. – Ташкент: “Укъитувчи”, 1988. – 280 с.
3. Бекиров Дж. Къырымтатар халкъ агъыз яратыджылыгъы. Хрестоматия. – Ташкент: “Укъитувчи”, 1991. – 248 с.
4. Усеинов Т.Б. Диалектологический аспект в процессе создания лексикографических изданий, отражающих крымскотатарский паремиологический фонд // Вопросы крымскотатарской филологии, истории и культуры. – 2017. – Выпуск 1 (4) – С. 5-10.
5. Усеинов Т.Б. Основные прагматические функции крымскотатарского паремиологического фонда // Научный вестник Крыма. – 2018. – № 3 (14). – С. 1-11.
6. Фазыл Р. Нагаев С. Къырымтатар эдебиятынынъ тарихы. – Акъмесджит: “Къырымdevокъувпеднешир”. – 2001. – 635 с.